



# Nochi Tlanawatilli Tlen Chinanko Tlajtola xkayotl

**Nejtoltokajyotl Mexko Tlanawatiloyan  
Tlanawatiltekitikapan Nejtolli Tlen  
Motekiwijtlok**

Tlanawatilli tlen momoyajtlok ipan  
mojmmostlan tlamatilmoyajkaamatl  
ipan 13 itekin Marzo meetstli tlen  
2003 xiwitl.

Pejki motekiwia ipan 14 itekin  
Marzo meetstli tlen 2003 xiwitl.

Ijtollí campá Tlanawatíjketl kiijtojki ma mochiwa nochi  
Tlanawatilli tlen Chinanko Tlajtolaxkayotl



Mexko Sentikatlanawatilistli,  
Mexkotlanawatilpan.

**Vicente Fox Quesada**, Mexko tlanawatíjketl,  
kinmatiltia mexkoewanin: Sentika Tlanawatilchiwanin,  
nechwalmakatoken ni tlanawatilli

### **Ijtoltlanawatilli**

**Weyi mexko nechikoltlanawatianij, kitlalia  
ijtoltlanawatilli:**

**Moyolitia nochi tlanawatilli chinanko Tlajtolaxkayotl  
wan kisenkawa tlen IV Ixelka tlapowaltlanawatili 7º,  
Tlamachtiltlanawatilli, Tlanawatilli.**

**Achtowi nepowaltlanawatilli.** Moyolitia Nochi  
Tlanawatilli tlen Chinanko Tlajtolaxkayotl, tlen kiijtowa  
nejtollí.

### **Tlanawatilli Tlen Chinanko Tlajtolaxkayotl**

# **Tlanawatilxelkayotl I**

## **Ma nochi kitekiwikan**

**Tlapowaltlanawatilli I.** Kijitakan mexcotlanawatianin,  
tlanawatilli kimokuitlawia tlen tlapowaltlanawatilli I.  
Ni tlanawatilli nochi intechpowi wan ma kipatin wan

kimanawis axkayotlajtolyotl, tlen se masewali, chinako wan altepetsitsin tlajtokeran, wan nojkia tlatlalwia ma motekiwi chinankotlajtolyotl uan ma moiskalti.

**Tlapowaltlanawatilli 2.** Chinankotlajtolyotl nochi tlen walaj tlajtolyotl kampa pilaltepetsitsij wan chinankotiniij tlen mochanlitokej ipan Mexko tlalli kemaj ayokkisenkawayayan tlanawatili coyomej analimej, nojkia tlen masewaltlakatinimej ipan ni America tlalli wan mochantlajitoken ipan ni Mexko tlalli wan ma mopatiita pampa intlajtol kuali motekpantok kiajkoktij, kiijtojtin tlatnamikilistli, ika monojnotsan monawatian wan kiijtowaj tlen inyolo kinnojnotsa.

**Tlapowaltlanawatilli 3.** Masewaltlajtolyotl eli axkayotlalamikilistli uan mexkotlajtolyotl. Miyakiltlajtolyotl yajayok kiyecchia uan kiyoltetilia Mexijkayotl.

**Tlapowaltlanawatilli 4.** Ni tlanawatili kipatiita nochi sanmasewaltlajtolyotl wan caxtiyajtajtolyotl, elij Mexkotlajtolyotl pampa ijkinos motekiwijtiwalajtok, wan san se inpatij ipan ni Mexko tlalli, campa tlajtowaj uan campa mopantian.

**Tlapowaltlanawatilli 5.** Mexko tlanawatilyotl ipan eyi ixelka tlanawatilli —Weyi Mexko Tlanawatilli, Tlatilanketl tlen Chinanko Tlatilanketl wan Chinanko Tlatilanketl—, intechpowi kiijtasej, kipatiitasej, kimanawisej wan kichiwisej ma moajkokui, moweyilli, motekiwi Mexkomasewaltlajtolyotl.

**Tlapowaltlanawatilli 6.** Mexkotlanawatilli moneki kiijitas kenijkatsaj motemachis motekiwis momoyayas ipan nochi tlamantli tlen tematiltia, kej wejkatepostlachialoni, tepostlatsostlnaloni uan mojmostlan tlamatilmoyajkaamatl, uan sekinok, ma kimoyawakan

nochi tlajtolyotl tlen neltlistli wan mexkonemilistli. Nojkia, temaka tlanawatilli iyokatiaj ma motekiwi mexkotlajtolyotl ipan tlamatiloni kampa tlajtowaj, kampa onkaj nemilistli, tlamatlistli ipan mexkotlalli.

**Tlapowaltlanawatilli 7.** San se impatij chinantlajtolyotl wan kaxtiltekatlajtolyotl, tijtekiwis keman se tlejtleya mitstekipachowa o tijnekis se tlamantli timotlajtlanis tekitikapan ika se amatlajkilolli, se tlamantli tijneki ma mitsyolmelawakan o tlan tijnekis titlajtlanis tlapalewilistli. Tlanawatili moneki kitemachis tlen nikaj moijtowa:

- a) Ipan Weyi Mexkoaltepetekitikapan wan sekinok tlatokajyotl, chinantlatilanketl o chinanco tlen tlajtowan chinantlajtolyotl, Tlanawatianij intechpowi kintlatsintokilisen masewalmej san nejneminij tlen kenijkatsaj kinekin ma kimpalewikan tekitikapan kenan se tekipacholi kinmelawas kinkamawuisen ika innejtlajtol.
- b) Chinantlatilanketl campa kitilantok chinanko tlen tlajtowan chinantlajtolyotl, moijitas tlanawatilli tlen moijkuilojtok ika ajkopa, ipan nochi tekitikapan.

Nechikoltlatokajyotl uan tlatokajyotl kipiaj tlanawatili kimoyawasen ipan amochtinij, kampa kuali mokakis wan moitas, tematiltiloni: tlanawatilli, nejnemilistli, nochi tlen kipia amatekitl, tlapalewuilistli tlen asi ipan chinanko campa motekiwia neltlajtol.

**Tlapowaltlanawatilli 8.** Yon se masewalli axwelis kikaltechikosen pampa kitekiwia ineltlajtol.

# Tlanawatilxelkayotl II

## Tlen intechpowi chinantlajtowanij

**Tlapowaltlanawatilli 9.** Mexkoewanij intechpowi tlajtosej, tlajkuilosej ika inneltlajtol, kampa weli mopantisen o itstosen inselti o miyacapan, ipan intekij, ilwitipan, tominkayotipan, tekitlanawatilpan, nemilipan, teonemilipan wan sekinok.

**Tlapowaltlanawatilli 10.** Tlanawatili kitemachia tlen chinanko axkayotl mokajkalakis tlanawatilpan mexkotlajtolyotl tlen tlajtowa. Ijkinoj motemachis axkayotl, ipan nochi tlamawawili, ika insejselti wan miyacapan, moneki motlepanitas ininemis tlen kiijtojtok Mexkotlanawatilamatl.

Mexkotlanawatianij intechpowi kiijtasen tlapalewilistli, mokajkalakisen ipan tlatlanawatilli wan tekipanolistli, kuali kiijtasen amo san achiyok kintlapachisen keman wetsisen ipan se tekupacholli o se tlajtlakolli, moneki kitempalewis santlapik ankin nelia kiixmati tlajtos ika neltlajtolli wan nemilistli.

Tlen kiijtojtok Tlapowaltlanawatilli 5<sup>o</sup>. Weyi Mexko Tlanawatilli, Tlatilanketl tlen Chinanko Tlatilanketl wan Chinanko tlen tlajtowan ika inineltlajtol, moijitas kej kiijitowa ika ajkpa achi nejtoltlanawatilli, nochi tekitikapan.

**Tlapowaltlanawatilli 11.** Nochi Mexko tlamachtiltlanawatianij, kintemachisej masewalmej santlapik tlamachtilistli, ome tlajtolyotl wan kinejnemilisen ika innemis, monijitas ipan tlamachtilistli ma motlepanita masewalyotl, maskin seyok tlajtolyotl tlajtowa. Nojkia tlen eyi wan nawi ixelka tlamachtilistli ma kijejyekokan

kenijkatsan kuali sentikatekitisen, ma kipatiitakan tlajtlamantik tlajtolyotl wan ma motlepamita tlen amo san se tlanamikilistli wan axkayotlajtolyotl.

**Tlapowaltlanawatilli 12.** Masewalyotl wan ankij nelia intechpowi chinanco ewanij kiijitasen ni Tlanawatilli ma motekiwikan, wan nelia ma kipatiitakan inneltlajtol ma kitekiwikan iniwaya inchanewaj, inchinanko, inwexchinanko, ijkino kichikawaltisen wan kiyekchiwasen neltlajtolli.

## Tlanawatilxelkayotl III

**Tlen intechpowi tlanawatianin, ankij kinmanawis tlanawatilli wan kenijkatsaj momapalewisen tekichiwani**

**Tlapowaltlanawatilli 13.** Intechpowi Mexkotlanawatianij ipan eyi Tlanawatijkayotl kiyolitisen kaltlanawatilli uan motekimakasen, kiasasisen tlen kiijtowa Tlanawatilli, tlen nikan moijtowa:

- I.** Moixtlalis tekitl tlen mochiwas ipan Mexkotlalli, chinankotlatilanketl, tlen tekitlamachtistli wan chinanko nemilistli, moijijas kenijkatsaj momokuitlawis momanawis, motekiwis, moiskaltis nochi chinantlajtolyotl tlen tlajtowaj ipan Mexko tlali, moneki ma mokuatotonikaj chinako ewanij.
- II.** Momoyawas Mexko chinantlajtolyotl wan tlamelawas asis tlapalewilstli inchinanko.
- III.** Momoyawas mexkochinantlajtolyotl ika nochi tlamatiltiwani kampa mochatlalijtoken mochiwas ma motekiwi wan ma moiskalti neltlajtolli.

- IV.** Ma ika momachtikan mexko tlajtoyotl ipan se, ome, eyi wan nawi ixelka tlamachtilistli, nojkia kimakatok wan kiweyichijtok mexkonemilistli.
- V.** Moijitas tlanawatiltlamachtilli wan teaxka tlamachtilistli ma ika momachtikan miyak nemilistli wan miyakiltlajtoyotl, motlepanitas wan ijkion motemachis, motlatlachilis wan moiskaltis Mexko chinantlajtoyotl wan nochi nejtolli.
- VI.** Motemachis tlamachtianin ma kiijitakan tlamachtiltekitl tlen se wan ome ixelka tlamachtilistli ika ome tlajtoyotl ma tlajtokan wan ma tlakuilokan ika inneltlajtol.
- VII.** Monejnemilis motepstokas, motejtemos, momoyawas wan moijskuilos Mexko chinantlajtoyotl wan moijitas nochi yektlajtolli.
- VIII.** Motlalis amochkalli, kampa moajkokuis nochi matilistli, nemilistli, Mexko chinantlajtoyotl tlen masewalmej inaxka.
- IX.** Kampa onkaj se amochkalli noponej motlalis amochtinij wan sekinok amatl kampa moijskuilajtok yektlajtolli uan Mexko chinantlajtoyotl tlen miyak ipatij.
- X.** Tekichiwanij kimpajpalewisej kaltlanawatilkapan tlen nochi masewalmej wan tlen teaxka wan tlen san masewalmej innechikolis tlen nelia tlanawatilpan mosentlalajtoken ma kitejtemokaj chinantlajtolli wan kej nopa neltias tlanawatilli.
- XI.** Kinmachtisen wan kineltisen tlamatilistli tlen tlajtowan ometlajtoyotl wan tlajtolixtoman ika Mexko chinantlajtoyotl wan kaxtiltekatlajtolli.

- XII.** Motemachis kaltlanawatianij, tlanawatijkapan tekikalko, noponaj ma tekitakan tlen tlajtowan wan kiixmatij Mexko chinantlajtolyotl pampa nelia noponej ewanij.
- XIII.** Mochiwas tekittl tlen kimanawis wan motekiwis tlajtolyotl wan mexkonemilistli tlen Mexko masewalnejneminin wan kiyawak ewanij, wan
- XIV.** Tlajtowanij ma mokuatotonikan mokajkalakisen ipan tekittlanawatilli tlen kichiwas ma ika momachtikan wan ma kitepotstokakan nemilistli.

## Tlanawatilxelkayotl IV

### Mexko Tekikalchinantlajtolyotl

**Tlapowaltlanawatilli I4.** Motlalia Mexko kaltekiwajkayotl chinantlajtolyotl tlen momoyajtok tekittlanawatilli ipan nochi Mexko tlalli wan kipia tlanawatilli tlanawatis wan ontlanawatijtok ipan tlamachtiltekitikapan, campa kiilnamikis kiweyilis. Kiajkokuis wan kiiskaltis chinantlajtolyotl tlen tlajtowaj ipan mexkotlalli, ma moixmati wan ma mopakilismaka ika Mexko nemilistli wan tlanawatianij kipiaj tlapalewisen, ni kaltlanawatilli kej ni tekitis:

- a) Motejtemos kenijkatsaj wan ika tlakeya moiskaltis chinanco mexkotlajtolyotl mopajpalewisej ika eyi tlanawatijkayotl wan masewalyotl wan chinanko asewalmej.
- b) Momejnemis tekittl tlen kiyoltetilis tlamatillistli tlen eltok ipan nemilistli wan Mexko chinantlajtolyotl.

- c) Ma weyi ika monamatis Mexko chinantlajtolyotl wan ma kijaikokuikan, kiixmatikan, wan ma kitlajsojtlakan, kipatiitakan chinantlajtolyotl, motekiwi kampa weli, motlalía ipan tematiltijkaamatl tlen kiijtojtok tlanawatilli.
- d) Motlalis tlanawatili wan moilnamikis tekitl kineltis tlamatilis tlen tekitisen masewamej tlamachtilmej ika ome tlajtolyotl. Kichiwasen ma momachtikan tlen kiijitasen ni tekitl tlen nelia kiixmatij nemilistli, kinajnamiktisej tekitl tlen ika wajkapantlamachtilistli wan sekinok tlamachtilistli tlen kiyankuilij tlamatilis tli.
- e) Motlalis wan mochiwas tekitl tlen kiiskaltis tlajtolyotl, yektlajtoli wan tlamachtilistli.
- f) Mochiwas wan moijitas kenijkatsan xitlawak wan san se tlamantli moijkuiilos chinantlajtolyotl wan nojkia momachtisen tlaixpowasen wan tlajkuilos.
- g) Mochiwas wan motenkawas tlamatiltijtemolistli tlen kichiwas ma momati Mexko chinantlajtolyotl.
- h) Mochiwas tlamatiltijtemolistli tlen tematilis tlen onkaj Mexko chinantlajtolyotl, ika inoj mopalewis Instituto Nacional de Estadística, Geografía e Informática kichiwas wan kimatis keski Mexko chinantlajtolyotl onkaj wan kanke tlajtowan.
- i) Mokawas kej se tekitlamachtijketl tlen kimpalewis tekikaltlanawatianij tlen Administración Pública Federal wan nojkia Poderes Legislativo y Judicial, Tlatokajyotl wan chinankotlatilanketl wan nochi sekinok tlanawatianij.

- j) Tlayolmelawas tlen kiijtojtok mokichiwas Mexko tlanawatilamatl, ika sekinok tanawatianij tlen iniwaya tekitiij mexkotlanawatianij.
- k) Moilnamikis moyolitis wan mopalewis kaltekitikapan ipan tlatokajyotl wan chinanko tlatilanketl, san kej moiijtojtok ipan Mexko tlanawatilamatl campa tlajtowan Mexko chinantlajtolyotl.
- l) Mosenkawasej ipan tlanawatilli tlen moiijtojtok ipan Mexko tlanawatilamatl, iniwaya itsninij o tekisentilli wan sekinok tekitinij tlen Mexko ewanij wan kiyawak ewanij.

**Tlapowaltlanawatilli 15.** Tekitikapan Mexko chinantlajtolyotl tlen nelia motsontekontijtok ipan nochi Mexko tlali tlen kipia tlanawatilli wan kipia ankij kiyekana tekitl. Tekikalli eltok ne Mexko altepetl tekitikapan.

**Tlapowaltlanawatilli 16.** Chikomej tlanawatianin kintekimakasen: eyij mexkotlanawatianij, eyij tlen tekitikapan wejkanan tlamachtilistli wan tlen san masewaltlamachtilistli, seyok ankin kimanawijtiwalajtok chinantlajtolyotl.

Ankin kinixpantiaj mexkotlanawatianij:

- 1) Tekitikapan tlamachtiltlanawatijketl motsontekontia san ken kiijtojtok tlaawatilli.
- 2) Se Tlanawatijketl Tominajkokuiloyan mokawas tlateposko tlanawatijketl.
- 3) Se tlanawatijketl tlen tekiti masewaltekitikapan.
- 4) Se tlanawatijketl tlen chapopojweyojtekitikapan.

- 5) Se tlanawajtijketl tlen Nemilistekitikapan wan Yeknemilistikapan.
- 6) Se tlanawatijketl tlen Tekitikapan Mexko Chinantekitikapan.
- 7) Wan se Tlanawatijketl tlen Secretaría de Relaciones Exteriores.

Ankin kiyekanas ni tekitlanawatilli kiselis imako weyi Mexko tlanawatijketl, tekitis 6 xiwitl, moneki tlajtos kan se chinantlajtolyotl: kiixmatis tekitl tlen nelia kuali kimpalewis masewalmej wan kiplas miyak ixtlamatilistli, kimanawijtos wan kitlasojtlatos chinantlajtolyotl.

**Tlapowaltlanawatilli 17.** Tekitl motlatskilijtok ipan tlanawatilli tlen kenijkatsaj tekitis, monawatis, tlanawatis wan tekichiwani moneki kiyolitisen tlanawatilli Mexko tlanawatianij.

Tlanawatianij monechikosen ipan chijchikuasen meetstli wan kemantika kinechikos intlayekankaj; moneki pano tlajko itstosen tlanawatianij wan tlen noponej moilnamikis yanopa neltias.

**Tlapowaltlanawatilli 18.** Tlanawatijketl itlanawatil motlatskilis ipan tlanawatilli wan kiixmatis kenijkatsan tlanawatis wan tekichias san kej kiijtojtok tlanawatilli wan mexkotlanawatianij.

**Tlapowaltlanawatilli 19.** Tlanawatianij ankij kimokuitlawisen tekitl campaa Kaltlanawatiloyan Mexkochinantlajtolyotl, motekitlalia se Tekitlayekanketl wan se San tlatokilijketl kintekimaka tlamokuitlawijkatekitiloyan.

**Tlapowaltlanawatilli 20.** Tlanawatianij Mexko chinantlajtolyotl, kintenkui tlanawatiloan tlen masewalnemilistli, tlapowaltekitikapan tlen matilistli kiajkojtokej, tlen kiijtojtokej kinanko ewanij, tekitikapan wan ixtlamatinij tlen mokajkalakijtokej ipan tekiwajkayotl, inijwantij kiijtosen keski chinantlajtolyotl onkaj wan tlamatiltisej ipan tlamatilamatl.

**Tlapowaltlanawatilli 21.** Tlen iaxka tekitikapan Mexko chinantlajtolyotl moijtowa ika tlanipa:

- I. Mexko Tlanawatianij kimakasen tlapalewilli tlen tlatekiwis ipan se xiwitl.
- II. Tlen kitlamajmakasen wan tlen kielitis kimoyaws motlanemakis, wan
- III. Tlen san kipanoltilian kiwentia se masewalli, tekitikapan o se teaxka.

**Tlapowaltlanawatilli 22.** Temachtli mokichiwas tlanawatili tlen moijtojtok ipan achinejtoltlanawatilli Tlaxelolli B tlapowaltlanawatili 20 tlen Mexko Tlanawatilamatl tlen nemilisaxkayotl, Mexko Tlanawatilchiwanij, Tlatokajyotl tlanawatilchiwanij wan chinanko tlatilanketl tlanawatilli tlen moneki kichiwas, kitominketsasej ika inoj kuali kimanawisej, kimoyawas, kiajkokuis, kitekiwis wan moiskaltis chinantlajtolyotl.

**Nepowaltlamawatilli 23.** Tekitlapalewilistli tlen Mexrotekitikapan Chinanko Mexkotlajtolyotl, itekichijkawan motlatskilisen ipan Tlanawatilli Sentikatekitinin tlen Tlatekipanowan ipan Mexcotlalli, tlen eltok ipan Tekitiltlanawatilli Ixelka A tlen tlapowaltlanawatilli I 23 tlen Mexko Tlanawatilamatl.

**Tlapowaltlanawatilli 24.** Tekitikapan tlen Mexko chinantlajtolyotl wan sekinok tlatokantekitikapan, kichiwasen tlanawatilli tlen kintlatsakuiltis ankij tekaltechikos, tetotokas, santlapik kintekiwis tlajtowanij ika Mexko chinantlajtolyotl, tlen kiixpanos tlanawatili kampa tlatskitok tlajtolaxkayotl.

**Nepowaltlamawatilli 25.** Tlanawatianin, tekichiwaloyan, tekiwejmej wan tekichiwani, motlatsakuitisej tlan kiixpanosej ni tlamawatilli kej kiijtojtok Mexkotlanawatilamatl ipan Itokan Nawi tlen intechpowi tekichiwani intekij wan sekinok tlanawatilli.

## Tlapowaltlanawatilli san pano tlen se

*Tlen se sampano tlanawatilli*

**Tlen se.** Keman momoyawas ni tlanawatilli, wan ika walmostla pewas motekiwis.

*Tlen ome sampano tlanawatilli*

**Tlen ome.** Mexko Tlanawatianij tlen Tekitikapan Mexko Chinantlajtolyotl motekimakasen keman panojka chikuasen meetstli keman momoyajki tlanawatilli. Keman ni tekitl panotok, Tlamachtiltlanawatijketl, tlamachtilyekanani, tlamachtilyekanani tlen wejkapantlamachtistli, wan wejkanpan chinantlamachtistli, wan sekinok tlamachtianij, tlatejtemowanij wan tekitinij ma mochikokan ipan se tekitlanawatilli. Keman kintepotstlisen tlanawatianij, tekichijketl tlen tlamachtiltlanawatijkapan, tomintlanawatijkapan, Secretaría de Desarrollo Social,

Chapopojweyojtli Tekitikapan, nemilistekitikapan wan yeknemilistli, Mexko Chinantekitikapan wan Secretaría de Relaciones Exteriores, kisenkawasen nechikotlanawatilli tlen tekitisen se xiwitl. Keman tlankia in tlanawatil sempa kitlalisen tlanawatianij ken kiijtojtok tlanawatilli.

*Tlen eyi sampano tlanawatilli*

**Tlen eyi.** Neltlajtoltekipantli tlen kiijtojtok tlapowaltlanawatilli 20 tlen Tlanawatilli Chinanko Tlajtolaxkayotl nochiwas ika iomexiwitaj iwalmotlaka keman kitekimakasej Mexko Chinankotlanawatijkapan tlen kiitojtok tlanawatilli tlen ika ajkopa.

*Tlen nawi sampano tlanawatilli*

**Tlen nawi.** Tlen achtowi tlapowalmasewaltlajtolotl motlalanki wan tlamatiltijken ipan ome xiwitl keman keman pejki motekiiya tlanawatilli. Itepotsko nojkia motlalanas tlapowalli tlen masewalmej wan caltinij.

*San pano tlapowaltlanawatilli tlen makuilli*

**Tlen makuilli.** Mexko Tlanawatilchiwanij kitominketsasej tlen motekiwis kampa Mexko Tekitiikapan Chinanko Mexkotlajtolotl. Ijkinoy temachtli kiijitas tekittl tlen kiijtojtok tlanawatilli.

*San pano tlapowaltlanawatilli tlen chikuasen*

**Tlen chikuasen.** Nechikoltlanawatianij kiijtasen tlen kenijkatsaj tlajtowa se chinanko, moneki moijitas wan motlalis ipan tlanawatilli kej san eltok ipan ni tlanawatilli.

## *San pano tlapowaltlanawatilli tlen chikome*

**Tlen chikome.** Tlen kiiijtojtok tlapowaltlanawatilli 13 ixelka VI, tlen intechpowi tlamachtijkatekiwejmej, san niman axwelkinmaktilisej tlamachtianij tlaj axmomachtijtokej, keman kimoyajkej ni tlanawatilli nojan moneki mochiyasej ome xiwitl. Ijkinij nelnelia mochiwas, ipan nawi ixelka tlamachtistli tlamachtisen nawi ixelka tlamachtilli ipan masewatlamachtilli.

## *San pano tlapowaltlanawatilli chikueyi*

**Tlen chikueyi.** Amo ipatij seyok tlanawatilli tlen kinekis kiixtomas tlen nikan moiijtojtok.

Mexko, Tlanawatiloyan, ipan 15 diciembre meetstli tlen 2002 xiwitl. Sen. Enrique Jackson Ramírez, Tlayekantlanawatijketl. Dip. Beatriz Elena Paredes Rangel, Presidenta. Sen. Sara I. Castellanos Cortés, Secretario. Dip. Adela Cerezo Bautista, Secretario. Rúbricas.

Moneltilia tlen moiijtojtok ipan tlapowalxelkayotl I Tlapowaltlanawatilli 89 tlen Mexko Tlanawatilamatl, wan ma kimatikan, ma kiijitakan ni tlanawatilli, kimajkawa tlanawatilli kampa mochantlalijtok, Mexko Altepetl Tlanawatijpan, ipan majtlaktli tekititok Marzo meetstli 2003 xiwitl. Vicente Fox Quesada, iwaya Itেকuiwaj Santiago Creel Miranda.

**DISTRIBUCIÓN GRATUITA**  
**San temajmakaj**

Este programa es público, ajeno a cualquier partido político. Queda prohibido su uso para fines distintos a los establecidos en el programa.